

Ўзбекистон Республикаси Вазирлар Маҳкамаси ҳузуридаги
Агросаноат мажмуи устидан назорат қилиш инспекцияси
бошлигининг 2021 йил 12 февралдаги С-4-сон буйруғига
1-илова

**Ўзбекистон Республикаси Вазирлар Маҳкамаси ҳузуридаги
Агросаноат мажмуи устидан назорат қилиш инспекциясининг
коррупцияга қарши курашиш
СИЁСАТИ**

1- боб. Умумий қоидалар

1. Ўзбекистон Республикаси Вазирлар Маҳкамаси ҳузуридаги Агросаноат мажмуи устидан назорат қилиш инспекциясининг коррупцияга қарши курашиш сиёсати (бундан буён матнда Сиёсат деб юритилади) ходимлар орасида хамда жамиятда коррупцияга қарши курашиш маданияти даражасини ошириш мақсадида Инспекциянинг юқори ахлоқий меъёрларга содиклигини, шунингдек, Инспекция ва унинг ҳудудий бўлинмалари ходимлари фаолиятида коррупциявий ҳуқуқбузарликларга муросасизлик ва уларни содир этишга йўл қўймасликни акс эттиради.

2. Сиёсат ISO 37001:2016 “Коррупцияга қарши курашиш менежменти тизимлари - Фойдаланиш бўйича талаблар ва тавсиялар” халқаро стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

3. Ўзбекистон Республикаси Вазирлар Маҳкамаси ҳузуридаги Агросаноат мажмуи устидан назорат қилиш инспекциясининг (кейинги уринларда - Инспекция деб юритилади) унинг ҳудудий бўлинмалари ушбу сиёсатни фаолиятининг аҳамиятини ҳисобга олган ҳолда қабул қилишлари, коррупцияга қарши курашиш механизmlарини, мавжуд бўлган коррупция хавфи, тажрибаси ва мавжуд манбалари асосида ишлаб чиқишлари ва амалга оширишлари лозим.

4. Инспекция ва унинг ҳудудий бўлинмалари (кейинги уринларда – тизим идоралари) коррупцияга қарши курашишнинг асосий мақсадлари қўйидагилар ҳисобланади:

тизим идораларида коррупцияни тубдан йўқотишга эришиш;

ходимларнинг ҳуқуқий онги ва ҳуқуқий маданиятини ошириш, жамиятда коррупцияга нисбатан тоқатсиз муносабатни шакллантириш;

тизим идоралари фаолиятининг барча соҳаларида коррупцияни олдини олиш буйича чора-тадбирларни амалга ошириш;

коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шартшароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

5. Сиёсат Инспекциянинг ички хужжати сифатида юқорида кўрсатилган асосий мақсадларга эришиш учун тизим идоралари фаолиятида коррупция билан боғлик ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

6. Мазкур Сиёсатнинг талаблари эгаллаб турган лавозими ва бажарадиган вазифа ва функцияларидан катъи назар Инспекция билан меҳнат муносабатларида бўлган барча ходимларга, шу жумладан, тизим идоралари ходимларига тадбиқ этилади.

1. Тизим идораларига ишга қабул қилинаётган ҳар қандай шахс ушбу Сиёсат билан имзо қўйган ҳолда танишишга ва унинг қоидаларига риоя қилишга мажбур.

2. Ушбу Сиёсат мақсадларида қўйидаги асосий тушунчалар ва атамалар қўлланилади:

алоқадор шахслар - ходим билан тижорат ташкилотларининг устав капиталида иштирок этадиган шахслар, акциялари Республика фонд биржасида оммавий муомалада булган акциядорлик жамиятларининг беш фоизидан кам бўлган микдордаги акцияга эканлиги ҳолатлари бундан мустасно;

иш жараёнидаги меҳмондўстлик белгилари - тизим идоралари ходимлари манфаатларида фаолият давомида ҳамкорлик ўрнатиш ва (ёки) қўллаб-куватлашга алоқадор харажатлар, шу жумладан, ишбилармонлик билан боғлик кечки овқат, транспорт ва яшаш харажатларини қоплаш билан боғлик харажатлар ва х.к.;

коррупцияга қарши курашиш талаблари бузилганлиги тўғрисида вижданан хабар бериш - тизим идоралари ходими томонидан коррупциявий ҳуқуқбузарлик содир этилганлиги (садир этишга суиқасд қилинганлиги) тўғрисида русхат этилган алоқа каналлари орқали асослилигига ишонч ҳосил қилган ҳолда йўллаган мурожаат;

контрагент (шартномавий шерик) - тизим идоралари билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

коррупция - шахснинг ўз мансаб ёки хизмат мавқеидан шахсий

манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишида фойдаланиши, худди шунингдек бундай нафни қонунга хилоф равишида тақдим этиш;

коррупциявий ҳаракатлар - ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбахо қофозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

коррупцияга оид ҳуқуқбузарлик - коррупция белгиларига эга бўлган, содир этилганлиги учун қонун ҳужжатларида жавобгарлик назарда тутилган килмиш;

коррупцияга қарши қурашиш тизими - қўлланиладиган амалдаги қонунчилик ва ички ҳужжатларни коррупциявий жихатдан бузилишини бартараф этиш, тизим идоралари ходимлари томонидан юқори даражада касбий ва ахлоқий фаолият олиб боришлирини таъминлаш бўйича чоратадбирлар мажмуи;

коррупциявий ҳавф-хатар - тизим идоралари ходимлари ёки учинчи шахслар томонидан тизим идоралари номидан ва (ёки) уларнинг манфаатларини кўзлаб коррупциявий ҳатти-ҳаракатларни содир этиш эҳтимоли ва хавфи;

манфаатлар тўқнашуви - тизим идоралари ходимининг шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан тизим идоралари манфаатлари ўртасида қарама-қаршилик юзага келаётган ёки юзага келиши мумкин бўлган вазият;

расмиятчиликни соддалаштириш учун тўловлар - белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишида бериладиган пул маблағлари, мол-мулк, мулкий ҳуқуқлар, хизматлар ва бошқа моддий ёки номоддий наф;

ходимнинг шахсий манфаатдорлиги - тизим идоралари ходими томонидан ўз хизмат вазифаларини бажариш чоғида унинг яқин қариндоши

ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир килиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

ходим - тизим идоралари билан меҳнат муносабатларига киришган шахс;

яқин қариндошлар - ота-она, туғишган ва ўгай ака-укалар ва опасингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси;

2- боб. Коррупцияга қарши курашишнинг асосий тамойиллари

3. Тизим идоралари коррупцияга қарши курашиш тизимини қўйидаги тамойилларга асосланиб амалга оширади:

қонунийлик - тизим идоралари коррупцияга қарши курашиш бўйича чора-тадбирлар Ўзбекистон Республикаси қонунчилиги талаблари, давлат органларида коррупцияга қарши курашиш бўйича жаҳонда тан олинган амалиётни ҳисобга олган холда хамда Инспекция тизимининг белгиланган ички ҳужжатларига мувофиқ амалга оширилади;

коррупцияга токатсизлик - тизим идоралари ўз фаолиятининг барча соҳаларида коррупциянинг ҳар қандай шакллари ва кўринишларига муросасиз муносабатда бўлади. Тизим идораларининг ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш тақиқланади;

очиқлик ва шаффофлик - Инспекция тизимида коррупцияга қарши курашиш соҳасида қабул қилинган ва амалга оширилаётган чора-тадбирлар ҳақида тизим идоралари ходимлари ва контрагентларини, кенг жамоатчиликни хабардор қилиш;

коррупцияга қарши курашиш бўйича амалга оширилаётган чора-тадбирларнинг превентивлиги, тизимлилиги ва ўзаро боғлиқлиги - тизим идоралари коррупциявий ҳатти-харакатлар содир этилишига ва коррупциявий хавф-хатарларга қўмаклашувчи сабаб ва шарт-шароитларни бартараф этишга қаратилган превентив чора-тадбирларни амалга оширишга устувор аҳамият беради. Коррупцияга қарши курашиш бўйича амалга оширилаётган чора-тадбирлар ва тартиб-таомиллар аниқланган хавф-хатарлар даражасига мувофиқ келади хамда тизим идораларининг барча функциялари ва

йўналишларига интеграция қилинган коррупцияга қарши курашиш тизимиға бирлаштирилган;

коррупция билан боғлик ҳуқуқбузарликлар учуй жавобгарликнинг муқаррарлиги - коррупция билан боғлик ҳуқуқбузарликларни содир этган Инспекция тизими ходимлари ўзининг мақоми ва эгаллаб турган лавозимидан қатъий назар Инспекциянинг ички хужжатлари ва амалдаги қонунчиликка мувофиқ жавобгарликка тортиладилар;

техника тараққиётининг ютуқларидан фойдаланиш - тизим идораларида коррупцияга қарши курашиш тизимини яратишда илм-фан тараққиётининг сўнгги ютуқларидан, шу жумладан, интеграциялаштирилган ахборот тизимларидан фойдаланишга интилади;

тўғридан-тўғри раҳбариятга мурожаат қилиш – Инспекция тизимининг ҳар бир ходими коррупциявий ҳуқуқбузарликлар содир этилганлиги тўғрисида ишончли ва асосли маълумотлар мавжуд бўлганда белгиланган чораларни кўриш учун тўсқинликсиз идора раҳбари ва Инспекция бошлиғига мурожаат қилиши мумкин;

фуқаролик жамияти вакиллари билан ўзаро ҳамкорлик - тизим идоралари ўзларига юклатилган функцияларни бажаришда тизим идоралари фаолиятини ҳалоллик, холислик ва мустақиллик асосида мустақил назорат қилиш мақсадида фуқаролик жамияти вакилларини жалб этадилар;

коррупцияга қарши курашиш тизимини доимий равища тақомиллаштириш - коррупцияга қарши курашиш тизимини мониторинг ва назорат қилиш ҳамда коррупциявий хавф-хатарларни амалга ошириш натижаларига кўра тизим идоралари Инспекция тизимида коррупцияга қарши курашиш тизимининг самарадорлигини тўхтовсиз равища ошириш чораларини кўрадилар.

3-боб. Коррупцияга қарши курашиш тизимнинг элементлари

4. Коррупцияга “мутлақо тоқатсизлик” тамойилига таянган ҳолда тизим идораларининг барча ходимларига коррупция билан боғлик ҳар қандай ҳатти-ҳаракатларда иштирок этиши, яъни пора берувчининг манфаатларини кўзлаб ҳаракат қилиши ёки ҳаракатсизлиги учун бевосита ёки билвосита, шахсан ёки учинчи шахслар орқали пора, яъни пуллар, қимматбахо қофозлар, бошқа мол-мулк, мулкий тусдаги хизматларни беришни талаб қилиш, товламачилик қилиш, ваъда бериш ва пора бериш, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, шахс томонидан пора олиш ёки ғайриқонуний бошқа мақсадларда ўз хизмат мавқеидан ноқонуний фойдаланиши қатъиян тақиқланади.

5. Қўйидагилар тизим идораларида коррупцияга қарши курашиш тизимининг асосий элементлари хисобланади:

a) коррупцияга қарши курашиш бўйича асосий ички ҳужжатлар маъжудлиги, яъни тизим идораларида коррупцияга қарши курашиш тизимининг асосини:

мазкур Сиёсат;

Инспекция ходимларининг одоб-ахлоқ қоидалари;

Инспекция тизимида манфаатлар тўқнашувини бошқариш тўғрисидаги низомда акс эттирилган тамойиллар ва талабларни ташкил этади;

b) “Юқоридан қўйига муносабат ” - Юқори даражада раҳбарлик намунаси:

тизим идораларининг раҳбарлари, шунингдек, тизим идораларининг таркибий бўлинмаларининг раҳбарлари ўзига бўйсунувчилар, фукаролар ва юридик шахслар билан муносабатларда ҳалол, адолатли ва мустақил хулқатвор намунаси бўлишлари керак;

Инспекция бошлиғи, ўринбосарлари, тизим идоралари раҳбарлари коррупцияга қарши курашиш самарали тизимини яратиш ва амалга оширишда қўйидагилар орқали етакчиликни намойиш этадилар:

тизим идоралари фаолиятининг хавф-хатарга эга функциялари (йўналишлари)га коррупцияга қарши курашиш самарали чора-тадбирлар ва тартибларни жорий этиш, шу жумладан, коррупцияга қарши курашиш дастури/йўл харитасини ишлаб чиқиш ва унинг ижросини назорат қилиш орқали қўмаклашиш;

ўз мансаб мажбуриятларини бажариш доирасида, тизим идоралари ходимларида коррупциянинг барча шакллари ва кўринишларига муросасиз муносабатни шакллантирган ҳолда коррупцияга қарши курашиш бўйича қонунчилик нормалари ва қабул қилинган ички ҳужжатларга риоя қилиш ва ахлоқий хулқатвор юзасидан шахсан намуна сифатида намоён булиш;

в) коррупциявий хавф-хатарни аниқлаш ва баҳолаи:

тизим идоралари функцияларининг хусусияти, ташкилий тузилмаси, жамият ва бошқа шахслар билан ўзаро фаолият олиб боришига ҳамда бошқа ички ва ташқи омилларга боғлик ҳолда ўз фаолиятига хос бўлган коррупциявий хавф-хатарларни аниқлайди ва баҳолайди;

коррупциявий хавф-хатарни аниқлаш ва баҳолаш доирасида тизим идоралари фаолиятининг барча соҳалари коррупциявий хавф-хатарга кўпроқ учрайдиган функцияларни аниқлаш мақсадида таҳлил қилинади, уларда мавжуд бўлган коррупцияга қарши курашишни назорат қилишнинг барча шакллари ва тартиб-таомиллари аниқланган хавф-хатарларни камайтириш

учун етарлилиги жихатидан таҳлил қилинади. Хавф-хатарларни аниқлаш ва баҳолаш жараёнида Инспекция тизимида коррупцияга қарши курашишга масъул бўлинманинг фаол қўллаб-қувватлаши ва назорати остида тизим идораларининг тегишли раҳбарлари, коррупцияга қарши курашишни мувофиқлаштирувчи шахслар иштирок этади;

тизим идораларининг коррупциявий харакатларга “мутлақо тоқатсизлик”ни ҳисобга олган ҳолда тизим идоралари коррупциявий хавф-хатарларнинг юзага келиш эҳтимоли ва таъсир қилиш даражасидан қатъи назар уларни бошқариш заруратини тан олади;

Коррупциявий хавф-хатарларни баҳолаш йилига камида бир марта амалга оширилади. Коррупциявий хавф-хатарларни баҳолаш натижалари тизим идораларининг раҳбарлари томонидан кўриб чиқилади шунингдек, аниқланган хавф-хатарларни камайтирувчи коррупцияга қарши курашиш чора-тадбирлар ва тартиб-таомиллар тизим идораларининг коррупцияга қарши курашиш дастурларида акс эттирилади.

г) *коррупцияга қарши курашиш учун масъул шахслар ва бўлинмалар:* Инспекция тизимида коррупцияга қарши курашиш бўйича самарали тизимни йўлга қўйиш мақсадида Инспекциянинг марказий аппаратида коррупцияга қарши курашишни шакллантириш ва назорат қилиш жараёни учун – Кадрлар бошқармаси ҳамда Ҳукуқий таъминлаш ва халқаро-ҳукуқий муносабатлар бўлими масъул ҳисобланади;

Инспекция тизимидаги коррупцияга қарши курашишга масъул бўлинмалар Инспекцияда коррупцияга қарши курашиш бўйича вазифаларни амалга оширишда етарли даражада мустақилликка ва муҳим ресурсларга эга бўлиб, бевосита Инспекция бошлиғига бўйсунади ва ўз фаолиятини Бошлиқ томонидан тасдиқланган Инспекция тизимида коррупцияга қарши курашиш бўлими тўғрисидаги низомга мувофиқ амалга оширади;

Коррупцияга қарши курашиш бўйича чора-тадбирларни самарали ва ўз вақтида амалга оширилишини мувофиқлаштириш ва назорат қилиш учун тизим идораларида рухсат этилган лавозимларга коррупцияга қарши курашишни мувофиқлаштириш функцияси юклатилиши мумкин. Коррупцияга қарши курашишни мувофиқлаштириш функциялари тизим идораларида юқори даражада коррупциявий хавф-хатарга эга бўлмаган, шунингдек, етарли даражада мустақил бўлган ходимга юклатилади;

тизим идораларининг коррупцияга қарши курашишни мувофиқлаштирувчилари коррупцияни бартараф этиш чораларини кўради, шу билан бирга, ўзига юклатилган вазифалар доирасида Инспекция тизимида

коррупцияга қарши курашишга масъул тузилмалар билан ҳамкорлик қиласи;

Коррупцияга қарши курашиш бўйича фаолиятни амалга оширишда тизим идораларининг Кадрлар бошқармаси (бўлимлари) Инспекция тизимида манфаатлар тўқнашувини бошқариш тўғрисидаги низом ва Ўзбекистон Республикаси қонун хужжатлари нормаларига мувофиқ белгиланган тартибда ва хажмда ходимлар ва алоқадор шахсларнинг яқин қариндошлари тўғрисидаги маълумотларни ўз вақтида ва тизимли йиғиш, таҳлил қилиш ва янгилаб бориш учун жавобгар бўлади;

Бундан ташқари, тизим идораларининг одоб-ахлоқ комиссиялари ходимлар ўртасида манфаатлар тўқнашуви тўғрисидаги Кадрлар бошқармаси (бўлимлари)дан келиб тушган маълумотларни кўриб чиқади ва (манфаатлар тўқнашуви тартибга солинмаган тақдирда) уни ҳал қилиш бўйича қарор қабул қиласи ёки аниқланган манфаатлар тўқнашувини тартибга солиш бўйича кўрилган чораларнинг етарлилиги ёхуд етарли эмаслиги тўғрисида қарор қабул қиласи, шунингдек, тизим идоралари томонидан белгиланган одоб-ахлоқ қоидаларига риоя қилиниши масалаларини кўриб чиқади. Манфаатлар тўқнашувини бошқариш доирасида Кадрлар бошқармаси (бўлимлари) ва Одоб-ахлоқ комиссиялари (ёки шунга ўхшаш комиссиялар) Инспекция тизимида манфаатлар тўқнашувини бошқариш тўғрисидаги низом асосида иш юритади;

д) аниқлаигаи коррупциявий хавф-хатарни минималлаштирувчи коррупцияга қарши курашиши чоралари:

тизим идоралари ўз фаолияти ва функцияларидаги коррупциявий хавф-хатарли йўналишларда умумий назорат муҳитини ва коррупцияга қарши курашиш назорат ҳамда тартиб-таомилларни ўз ичига оловчи коррупцияга қарши курашишнинг комплекс тизимини жорий этадилар.

Тизим идоралари коррупцияга қарши курашишни назорат қилиш ва тартиб-таомилларнинг самарадорлиги, жумладан, уларнинг аниқланган хавф-хатар даражасига мутаносиблиги, тизим идоралари ходимлари учун қатъийлиги ва аниқлиги, фуқаролик жамияти учун шаффофлигини таъминлашга интиладилар;

Амалга ошириладиган тадбирлар, шунингдек, коррупцияга қарши курашиш бўйича назорат чоралари ва тартиб-таомиллар тизим идораларининг коррупцияга қарши курашиш бўйича дастури/режаси/йўл харитасида акс эттирилади ҳамда тегишли ички хужжатларда белгиланади;

е) ахборотлаштириши, коммуникация ва маслаҳат берии:

Коррупциявий хавф-хатарларни камайтириш ва тизим идораларининг

коррупцияга қарши курашиш тамойиллари ва талаблари ҳақида жамиятнинг хабардорлигини ошириш мақсадида, мазкур Сиёсат ва тизим идораларининг коррупцияга қарши курашиш бўйича амалга оширилаётган чора-тадбирлари тўғрисидаги асосий маълумотлар уларнинг Интернет тармоғидаги расмий веб сайтларига жойлаштирилади.

Бундан ташқари, тизим идоралари коррупцияга қарши курашиш амалдаги қонун хужжатлари нормалари ва коррупцияга қарши курашиш жорий этилган тамойиллар ва талаблар ҳақида тизим идоралари ходимлари ва бошқа манфаатдор шахсларни хабардор қилиш ва тушунтириш бўйича қўйидагилар орқали барча оқилона ҳатти-ҳаракатларни амалга оширади:

тизим идоралари ходимларини йилига камида бир марта коррупцияга қарши курашиш асослари бўйича доимий ва тизимли ўқитиш, шу жумладан, ишга янги қабул килинаётган ходимларни ушбу Сиёсат ва коррупцияга қарши курашиш бўйича бошқа ички хужжатлар билан мажбурий тартибда таништириш билан биргаликда уларни коррупцияга қарши курашиш бўйича мажбурий кўрсларда ўқитиш. Коррупциявий хавф-хатари юқори бўлган лавозимлар учун тизим идораларида коррупцияга қарши курашиш бўйича қўшимча таълим дастурлари белгиланади. Ўтказилган ўқиши/тренинглар ҳақидаги маълумотлар Кадрлар бошқармаси (бўлимлари)да қонунчиликда белгиланган тартибда сақланади;

тизим идоралари ходимлари ва фуқароларнинг коррупцияга муросасиз муносабатини шакллантириш бўйича ва коррупцияга қарши курашиш амалга оширилган чора-тадбирлар тўғрисида хабардорлигини оширишга қаратилган тематик аудио ва видеороликлар ҳамда бошқа ахборот маълумотларидан фойдаланган ҳолда коррупцияга қарши курашиш тадбирлар ўтказиш;

тизим идоралари ходимлари томонидан коррупцияга оид ҳуқуқбузарликлар содир этилганлиги гумонлар ёки фактлар, коррупциявий хавф-хатарлар ва бошқалар (коррупция фактлари ҳақида хабар берилиши мумкин бўлган усуслари тўғрисидаги батафсил маълумот мазкур Сиёсатнинг 4-бобида назарда тутилган) ҳақида хабар берилиши мумкин бўлган алоқа каналлари билан таъминлаш;

мазкур Сиёсат қоидаларини қўллаш ёки Инспекция тизимида коррупцияга қарши курашишни мувофиқлаштирувчи томонидан коррупцияга қарши курашиш чора- тадбирлар ва тартиб-таомилларни амалга ошириш билан боғлиқ саволлар келиб чиқканда тизим идоралари ходимларига маслаҳатлар бериш;

тизим идоралари ходимларининг меҳнат шартномаларига коррупцияга

қарши курашиш қоидаларни киритиш;

тасдиқланган режага мувофиқ коррупцияга қарши курашиш бўйича масъул шахс томонидан коррупцияга қарши курашиш хулқ-автор юзасидан ташвиқотлар ўтказиш;

контрагентларни коррупцияга қарши курашиш қабул қилинган талаблар ва тамойиллар ҳақида, шу жумладан, улар билан тузиладиган шартномаларга коррупцияга қарши курашиш бўйича маҳсус шартларни киритиш тўғрисида хабардор қилиш ва ҳ.к.;

г) мониторинг, назорат ва ҳисобот:

Инспекция тизимида коррупцияга қарши курашишга масъул тузилма Инспекция тизимида коррупцияга қарши курашиш амалга оширилган чора-тадбирларнинг етарлилиги, мутаносиблиги ва самарадорлигини баҳолайди ҳамда доимий мониторингини олиб боради. Ўтказилган мониторинг натижалари бўйича тизим идораларида коррупцияга қарши курашиш тизимини такомиллаштириш юзасидан тегишли чоралар кўрилади.

Тизим идораларида мониторинг ва назорат қилишнинг қуйидаги тартиб-таомиллари амалга оширилади:

тизим идоралари фаолияти ва функцияларидаги ўзгаришлар, уларнинг ташкилий-функционал тузилмасидаги ўзгаришлар ҳамда бошқа ички ва ташқи омилларнинг тизим идораларида коррупцияга қарши курашиш тизимига таъсирини, мазкур тизимга ўзgartириш киритиш зарурятини таҳлил қилиш, шу жумладан, уни амалдаги қонунчилик талабларига мувофиқлигини таъминлаш;

тасдиқланган режага мувофиқ самарасиз назорат ва тартиб-таомилларни аниқлаш учун уларни тўғрилаш ва коррупцияга қарши курашиш тизимининг ишончлилиги ва самарадорлигини таъминлаш мақсадида танлов асосида Инспекция тизимидағи функциялар ва ички жараёнларни мониторинг қилиш;

ички ва (ёки) ташқи текширувларни ўтказиш жараёнида тизим идоралари ходимлари томонидан коррупцияга қарши курашиш бўйича талабларга риоя қилинишини назорат қилиш;

Инспекция тизимида коррупцияга қарши курашишга масъул таркибий бўлинма/коррупцияга қарши курашишни мувофиқлаштирувчи ва бошқа таркибий тузилмаларга юклатилган коррупцияга қарши чора-тадбирларнинг ўз вақтида ва тегишли тартибда амалга оширилиши устидан назорат олиб бориш ва ҳ.к.

Коррупцияга қарши курашиш тизимини назорат қилиш ва мониторинги

бўйича чора-тадбирлар натижалари Инспекция бошлиғи, Инспекция хайъати, тегишли худудий бошқармалар ва тизим идоралари раҳбарларининг чораклик ҳисоботларида ўз аксини топади.

3) ҳуқуқбузарликларга нисбатан муносабат билдириши ва айбор шахсларни жавобгарликка тортиши:

мазкур Сиёsatга амал қилиш ва Инспекция тизимида коррупцияга қарши курашиш чора-тадбирларга риоя қилиш ҳар бир ходим учун ўз хизмат мажбуриятларини бажарилиши доирасида мажбурийдир. Ходимлар белгиланган талаб ва тартиб-таомилларнинг бузганлиги учун шахсан жавобгар ҳисобланадилар. Бундан ташқари, бевосита раҳбарлар ўз бўйсунувидаги ходимлар томонидан коррупцияга оид ҳуқуқбузарликларни содир этилганлиги учун шахсан жавобгар ҳисобланадилар;

коррупцияга қарши курашишга оид белгиланган талаблар ва тамойилларни бузган тизим идоралари ходимлари Ўзбекистон Республикаси қонунчилигига белгиланган тартибда ва асосларда интизомий, маъмурий ёки жиноий жавобгарликка тортилиладилар;

ходимлар уларни коррупция билан боғлик ҳуқуқбузарликни содир этишга ундовчи шахсларнинг ҳар қандай мурожаатлари тўғрисида, шунингдек, бошқа ходимлар томонидан содир этилган коррупцияга оид ҳуқуқбузарликлар ҳақида ўзига маълум бўлган ҳар қандай фактлар ҳақида ўз раҳбарларига ва Инспекция тизимида коррупцияга қарши курашишга масъул бўлинмаларга хабар беришлари шарт;

коррупцияга мутлақо тоқатсизлик тамойилини ҳисобга олган ҳолда, Инспекция тизимида тизим идоралари ходимларининг коррупцияга оид ҳуқуқбузарлик содир этишлари билан боғлиқ ҳар қандай асосли шубха бўйича хизмат текширувлари Ўзбекистон Республикаси қонунчилиги талабларига мувофиқ ва ички ҳужжатларда белгиланган тартибда ўtkазилади. Коррупцияга қарши курашиш тўғрисидаги қонун ҳужжатлари нормаларини ва (ёки) мазкур сиёsat ва тизим идораларининг бошқа ички ҳужжатларида белгиланган коррупцияга карши талаб ва тартиб-таомилларни бузган тизим идоралари ходимлари, уларнинг лавозими, хизмат муддати ва бошқа омиллардан қатъи назар Ўзбекистон Республикаси қонунчилигига ҳамда тизим идораларининг ички ҳужжатларида назарда тутилган доирада ва асосларда жавобгарликка тортиладилар;

коррупцияга оид ҳуқуқбузарлик аниқланган тақдирда тизим идоралари уларнинг содир этилиш сабаблари ва шарт-шароитларини таҳлил қиласидилар ва доимий асосда коррупцияга қарши курашиш тизимини

такомиллаштирадилар;

Тизим идоралари коррупцияга оид ҳуқуқбузарликларни аниқлаш ва текшириш учун бошқа ҳуқуқни муҳофаза қилувчи органлар ва давлат органлари билан ҳамкорлик қиласидилар.

4-боб. Коррупцияга қарши курашишнинг асосий йўналишлари

§ 1. Манфаатлар тўқнашувини бошқариш

6. Тизим идоралари ходимлари ўз хизмат мажбуриятларини бажариш ва (ёки) тизим идоралари манфаатларини ифодалаш доирасида вижданлилик ва ҳалоллик тамойилларига амал қилиши, шахсий манфаатларини ҳисобга олган ҳолда ўзларининг хизмат мавқеидан ва (ёки) тизим идораларининг молмулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

Тизим идоралари ходимлари ўзларининг хизмат мажбуриятларини лозим даражада ва холис бажаришларига, жумладан, холис қарор қабул қилишга ҳамда тизим идораларининг ҳуқуқлари, қонуний манфаатлари, молмулки ва (ёки) нуфузига таъсир қиласидиган ёки таъсир қилиши мумкин бўлган вазиятда манфаатлар тўқнашуви юзага келади.

7. Инспекция тизимининг ходимлари ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар/ҳолатлар юзага келишига қараб ошкор қилишга мажбурдирлар. Тизим идоралари ходимлари томонидан манфаатлар тўқнашуви тўғрисидаги маълумотларни ошкор қилиш ва уни ҳал қилиш жараёни Инспекция тизимида манфаатлар тўқнашувини бошқариш тўғрисидаги низом билан тартибга солинади.

§ 2. Совғалар ва иш жараёнида меҳмондўстлик белгилари

8. Тизим идоралари ходимларига уз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, кимматли коғозлар кўриншиида моддий ёрдам қабул қилиш тақиқланади.

9. Тизим идоралари ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъий назар тизим идораларининг мулкига ўтказилади.

10. Тизим идоралари ходимларига уларнинг шахси билан боғлик байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни, Қишлоқ хўжалиги ходимлари куни)да берилган, хизмат мажбуриятларини бажариши билан боғлик булмаган совғалар ходимнинг шахси билан боғлик совғалар деб тан олинади.

11. Бундай совғаларни беришда қуидаги талабларга риоя қилиш лозим: совғалар тизим идораларининг камидаги уч нафар ходимлари иштирокида берилиши;

совға бериш жарёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;

совғанинг умумий қиймати (барча солиқлар ва йигимларни ҳисобга олган ҳолда) 5 (беш) базавий ҳисоблаш микдоридан ошмаслиги;

тизим идораларининг битта ходими бошқа ходимга совға учун сарфлайдиган харажат суммаси, ҳар бир холатда 1 (битта) базавий ҳисоблаш микдоридан ошмаслиги керак.

12. Шубхалар пайдо бўлмаслиги учун бошқа давлат органлари ва ташкилотлари ходимлари, шериклар ва контрагентлар, ушбу Сиёсатнинг 15 ва 16-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хатин-қизлар куни, Қишлоқ хўжалиги ходимлари куни ва ҳ.к.ни инобатга олган ҳолда, бироқ бу билан чекланмасдан) билан боғлик ҳолда олинадиган, ушбу Сиёсатнинг 14-бандида санаб ўтилган совғалар ва бошқа моддий бойликларни олиш тақиқланади.

13. Инспекция номидан халқаро конференцияларда, симпозиумларда ва бошқа ишбилармонлик (хизматга оид) йигилишларда совғалар бериш Инспекция бошлиғи ёки унинг ўринbosарларининг буйруғи билан амалга оширилади.

14. Совғани қабул қилишнинг қонунийлиги тўғрисида шубха туғилган ҳар қандай ҳолларда тизим идоралари ходими Инспекция тизимида коррупцияга қарши қурашга масъул бўлинмасаига маслаҳат сўраб мурожаат қилиши лозим.

§ 3. Ходимларни танлаш, лавозимдан лавозимга ўтказиш, моддий рағбатлантириш

15. Тизим идоралари ходимларини танлаш, уларни аттестациядан ўтказиш ва фаолиятини баҳолаш, шу жумладан мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, teng ва холис бўлиб, ушбу Сиёсатнинг асосий

тамойиллари ва талабларига мувофиқ келади.

16. Тизим идораларида уларнинг раҳбарлари, шунингдек, бошқарма ва бўлим бошлиқларини мукофотлашга асос бўлиб хизмат қиласидиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошкора ҳамда тизим идоралари ходимлари томонидан кўриб чиқилиши мумкин.

§ 4. Текширишларни ўтказиш ҳамда хўжалик юритувчи субъектлар, шунингдек, давлат органлари ва ташкилотлари фаолиятини ўрганиш

17. Турли хил текширишларни ўтказиш ҳамда хўжалик юритувчи субъектлар, шунингдек, давлат органлари ва ташкилотларининг (кейинги ўринларда - “Текшириш обьектлари”) фаолиятини ўрганишда тизим идоралари ходимлари:

манфаатлар тўқнашувига йўл қўймаслиги;

садир этилиши мумкин бўлган хукуқбузарликларни сохталаштириш учун текшириш обьектига вакилларнинг етарли билимга эга эмаслигидан фойдаланиб қонун хужжатлари нормаларини нотуғри талкин қиласлиги, текширилаётган обьект ходимларини маъмурий чора кўриш ёки аниқланган фактларни хукуқни муҳофаза қилувчи органларга тақдим этиш билан қўрқитмаслиги;

текширилаётган обьектнинг ходимларига таҳдид қиласлиги;

текшириш предметига кирмайдиган масалалар билан қизиқмасликлари ва хужжатларни сўрамасликлари.

тизим идоралари ходимлари текшириш давомида аниқланган ҳар бир хукуқбузарлик ҳолатларига қонуний ва профессионал баҳо беришлари;

агар текшириш обьекти вакиллари тизим идоралари ходимларига аниқланган қонунбузарликларни яшириш учун пора ва (ёки) бирон-бир моддий қимматлик ёки хизматларни таклиф қилса, текшириш гурухи раҳбарини дархол хабардор қилишлари;

текшириш обьекти вакилларига тизим идоралари ходимларининг ахлоқий хулқ-автор тамойилларига мувофиқ холис муносабатда бўлишлари шарт.

18. Хизмат мажбуриятига хўжалик юритувчи субъектларни ҳамда давлат органлари ва ташкилотларини текшириш кирадиган тизим идораларининг таркибий тузилмаларида ўтказилган текшириш натижалари бўйича тизим идоралари томонидан қабул қилинган қарорлар юзасидан низолашиш учун апелляция инстанциялари ташкил этилади.

§. 5. Контрагентлар ва учинчи шахслар билан ўзаро муносабатлар

19. Тизим идоралари ушбу Сиёсатнинг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи ҳатти-ҳаракатларни амалга ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

20. Тизим идоралари контрагентлар билан муносабатларда ўз фаолиятини амалга оширишида қонунийлик ва шаффофлик тамойилларига амал қиласадилар. Тизим идоралари танлашнинг холис мезонларидан фойдаланишга асосланган, маҳсулот етказиб берувчилар, пудратчилар ва бошқа контрагентларни танлаб олишнинг ҳаққоний, очик ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинадиган маҳсулотнинг Инспекция тизимининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

21. Тизим идоралари контрагент билан ўзаро ҳамкорликда:

эҳтимоли юқори бўлган контрагентнинг ишончлилигини, шу жумладан ўтмишда коррупциявий ҳукуқбузарликларни содир этганлиги, тизим идораларида давлат харидлари тўғрисидаги низомга мувофиқ ва Ўзбекистон Республикаси қонунчилиги нормалари доирасида Инспекция тизими ходимлари билан манфаатлар тўқнашуви мавжуд эмаслигини текширадилар;

эҳтимоли юқори бўлган контрагентни (танлов, тендер ғолибини ва тўғридан-тўғри шартномалар бўйича харид контрагентини) ўзининг коррупцияга қарши тамойиллари ва талаблари ҳақида улар билан тузиладиган шартномалар матнiga коррупцияга қарши маҳсус шартларни қўшган ҳолда хабардор қиласадилар.

§ 6. Хайрия ва ҳомийлик фаолияти

22. Тизим идоралари қонунда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда тизим идоралари манфаатлар тўқнашувига йўл қўймаслик, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида имкон қадар барча чораларни кўришлари мумкин.

§ 7. “Сирли мижоз” тадбири

23. Тизим идоралари томонидан кўрсатилаётган давлат хизматларининг

сифати ва тезлигини, шунингдек ҳаққоний ва очик танлов натижаларига кўра танлаб олинган мустақил компаниялар томонидан коррупциявий ҳуқуқбузарликлар содир этилишига мойиллигини аниқлаш учун хизматларнинг ҳақиқий олувчилари сифатида алоҳида назорат тадбирлари ўтказилади. Давлат хизматларини кўрсатиш жараёнида мустақил компания бундай хизматларнинг сифати, муддатлари, шартларини, шунингдек, Инспекция тзими ходимларининг белгиланган ахлоқ қоидаларига, шу жумладан ходимнинг пора олишга мойиллигини белгилаб боради.

24. Тизим идоралари ўтказилган “сири мижоз” тадбирлари тўғрисидаги ҳисботларни кўриб чиқадилар ва коррупция хавфи аниқланган тақдирда хизмат текшируви тайинлаш ҳақидаги ташаббус билан чиқадилар.

§ 8. Тизим идоралари фаолиятини видеотасвирга олиш ва трансляция қилиш

25. Тизим идоралари ходимларининг фаолиятини назорат килиш учун видео ва аудио ёзув камераларидан фойдаланиш мумкин, уларнинг ёзувлари тизим идораларининг масъул ходимлари томонидан доимий назорат қилиб борилади.

26. Тизим идораларининг расмий веб-сайтларида коррупция хавфи юқори бўлган айrim жараёнларнинг онлайн трансляциялари жойлаштирилади (хусусан, ходимлар билан сухбат ўтказиш ва уларни синовдан ўтказиш, комиссия йиғилишлари ва бошқалар).

§ 9. Ички ҳужжатларни коррупцияга қарши экспертизаси

27. Ички ҳужжатларни ҳуқуқий экспертизадан ўтказишда ҳужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

§ 10. Тизим идоралари ходимларига маслаҳат бериш

28. Тизим идоралари ходимларида коррупцияга қарши амалдаги конун ҳужжатлари талаблари, ушбу Сиёsat қоидалари ёки тизим идораларида коррупцияга қарши бошқа чора-тадбирлар ва тартиб-таомиллар билан боғлиқ бўлган ҳар қандай саволлар бўлса, улар ўзларининг таркибий бўлинмаси/ тизим идоралари ва (ёки) Инспекция тизимида коррупцияга варши курашишга масъул бўлинмага ҳамда ишонч телефонига мурожаат килишлари мумкин.

5-боб. Коррупциявий ҳуқуқбузарликлар тўғрисида хабар бериш

29. Тизим идоралари ходимлари ва бошқа шахслар, агар улар Инспекция тизими ходимлари ҳатти-ҳаракатларининг қонунийлиги ва (ёки) одоб-аҳлоқса мувофиқлиги тўғрисида шубҳа туғилса, коррупция ва бошқа ҳуқуқбузарлик ҳолатлари содир этилишига гумон ёки содир этилганлиги фактлари бўлса, улар бу ҳақда Инспекциянинг фойдаланиш мумкин бўлган алоқа каналлари орқали хабар беришлари мумкин.

30. Тизим идоралари ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

31. Тизим идоралари ўз ходимларининг манфаатларини ҳимоя қиласидилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, Инспекция тизимининг бошқа ходимларининг шубҳали ҳаракатлари ёки улар томонидан ушбу Сиёсатнинг коррупцияга қарши талабларини бузиш эҳтимоли ҳақида хабар берган шахсларни тақиб қилинишига йўл қўймаслигини кафолатлайдилар.

32. Коррупцияга оид ҳуқуқбузарликлар тўғрисидаги хабарларни қуидаги алоқа каналлари орқали бериш мумкин:

+99871 202-12-06 телефон рақами ва тизим идоралари томонидан ўрнатилган бошқа телефон рақамлар;

Инспекциянинг махсус бот: <https://t.me/uzagroinbot@antikorbot> ва бошқа Телеграм каналлари;

тизим идораларининг расмий веб-сайтларида жойлаштирилган шакллар;

тизим идораларининг электрон почта манзиллари;

тўғридан-тўғри ҳуқуқни муҳофаза қилиш органларига.

33. Инспекция тизимининг алоқа каналларига келиб тушган барча хабарлар Ўзбекистан Республикаси қонун хужжатлари ва тизим идораларининг ички хужжатларига мувофиқ Инспекция тизимининг масъул бўлинмаси ёки ходими томонидан холис тарзда ва ўз вақтида кўриб чиқилади.

34. Аноним равишда (фақат тизим идораларининг Телеграм каналлари орқали) юборилган хабарлар ҳам кўриб чиқиш учун қабул қилинади. Ўз номини ошкор қилинмаслигини истаган ариза берувчи бундай ҳолатда қуидагиларни тан олади:

тизим идоралари хабарга жавоб бериш учун мурожаат этувчи шахс билан боғлана олмайди;

тизим идоралари зарур қўшимча маълумотларни олишнинг имконияти йўқлиги сабабли хабарни тўлиқ ва ҳар томонлама текширишни амалга ошира олмайди.

35. Тизим идоралари томонидан келиб тушган хабарга жавоб бериш учун мурожаат этувчи шахс билан қўйидаги холатларда боғланилмайди:

тўлиқ ва кенг қамровли текшириш ўтказиш учун зарур бўлган қўшимча маълумотларнинг йўқлиги;

тизим идоралари ходимининг қасддан ёлгон маълумотни тақдим этиши ушбу Сиёsatни бузилиши ва ахлоқсиз хулк-атворнинг намунаси сифатида қаралса, бундай шахс эса Ўзбекистон Республикаси қонун ҳужжатларига ва Инспекциянинг ички ҳужжатларига мувофиқ жавобгарликка тортилиши мумкин.

36. Инспекция тизимида коррупция фактлари тўғрисида вижданан хабар берган тизим идораларининг ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилиши мумкин.

37. Барча алоқа каналларининг ишлаши ва олинган хабарларни қайта ишлаш/кўриб чиқиши тартибитўғрисидаги батафсил маълумот Инспекциянинг коррупциявий тусдаги маълумот ҳақида хабар бериш учун алоқа каналлари тўғрисидаги низомда ва тизим идораларининг бошқа шунта ўхшаш ички ҳужжатларида акс этган.

6-боб. Қайта кўриб чиқиши ва ўзгартиришлар киритиши тартиби

38. Ушбу Сиёsat қўйидаги ҳолларда қайта кўриб чиқилиши ва тузатилиши керак:

коррупцияга қарши курашиш амалдаги сиёsat ва тартиб-таомилларни қайта кўриб чиқиши заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг қонунчилиги ўзгарганда;

коррупцияга қарши курашиш самарасиз назорат ва тартиб-таомиллар аниқланганда ва тизим идоралари фаолиятида коррупцияни олдини олиш ва унга қарши курашишга қаратилган чора-тадбирларни такомиллаштиришга зарурат туғилганда;

Инспекция тизимининг ташкилий тузилмаси ва (ёки) тизим идоралари томонидан ўз вазифаларини бажариши хусусиятлари ва бошқалар ўзгарганда.